



# Synfocity = 448

25<sup>th</sup> July, 2013

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

## □ Skill Development Residential Training

July 22 - 24 Khan Campus Ministry buatsaihin Aizawl chhunga Private School zirtirtute tan Skill Development Residential Training, Synod Conference Centre-ah buatsaihin a ni a, school 10 atangin zirtirtu an lo tel thei a ni.

July 22 (Thawhtanni) Khan training hawnna inkhawm neih a ni a, Upa Chhawvunga, Committee Member Campus Ministry-in hun a kaihrui a, Rev. Vanlalzuata, Chairman Campus Ministry chuan inlawmna thuchah a sawi. July 24 (Nilaini) Khan training kharna hun hman leh a ni a, Upa Ngurthanmawia, Committee Member Campus Ministry-in inkhawm kaihruiin Synod Moderator Rev. Lalramliana Pachuau-in thuchah sawiin certificate a sem bawk.

Training chung hian zing karah Rev. Dr. Lawmsanga leh Rev. Dr. K. Lallawmzuala (Aizawl Theological College) ten Bible Study an neihpui thin a. Zan lamah Rev. Vanlalzuata, Chairman Campus Ministry leh Upa Ngurthantluanga, Committee Member Campus Ministry te hnen atangin Pathian thuchah ngaihthlak thin a ni bawk.

Training chung hian paper hrang hrang hetiang hian zirho a ni :

Campus Ministry leh Zirna	- Rev. V.L. Krosschuanmawia, Coordinator, Campus Ministry
Zirlaite leh Media	- Pu C. Lalhmachhuana, Secretary, I&CT, Govt. of Mizoram
Zirlaite leh Sex	- Dr. Robert S. Halliday, Committee Member Campus Ministry
Zirlaite leh Drugs	- Dr. R.L. Sanghluna, Synod Hospital, Durtlang
Zirlaite leh Tunlai Khawvel	- Upa Dr. Lalnundanga, Mizoram University
Zirlaite leh Tunlai Khawvel (Teacher Challenge)	- Upa Bonny Lalrindika, Asst. Coordinator, Synfo
Christian Witnessing and Counselling	- Dr. Robert S. Halliday, Committee Member Campus Ministry

## □ Thu ziak tha zual 50 Thlan Khawm Lekhhabu Tlangzarh

July 19 (Zirtawpni) chawhnu Khan Agape chanchinbu-in kum 25 a tlin lawmnan leh hriatreng nan 'Thu ziak tha zual 50 thlan khawm' lekhhabu chu Rev. P.C. Pachhunga, Executive Secretary i/c Kohhran Hmeichhia-in Synod Office Committee Room No. 2-ah a tlangzarh. Thu ziak tha zual 50 thlan khawm lekhhabu hi Rs. 100/- a hralh chhuah tur a ni.

Agape kum 25 tlin lawm nan leh hriatreng nan tih tur pahnih ruahman a ni a, pakhatnaah chuan July 2011 Khan Silver Jubilee Special Issue siam a ni a. A pahnihna chu kum 25 chhunga chanchinbua thuziak tha zual 50 thlan chhuah a, a bu-a tihchhuah hi a ni.

Mizoram Presbyterian Kohhran Hmeichhe Inkhawmpui Lian chuan kum 1986 atangin thla khat dan zelah chanchinbu chhuah tura a rel angin hemi kum atang hian AGAPE tih chu chhuah tan a ni a. Kum 1996 thleng Khan thla khat danah tihchhuah niin, kum 1997 atang Khan thla kipa chhuah a ni ta a ni. Agape chanchinbu hi kum 1986 atanga chhuah tan ni mahse, a Volume & Issue Number pek danah Sorkar hnuaiia Registration neih atanga chhiar tur anih avangin kum 1988-a RNI neih atangin Volume khatnaa chhiar tan a ni a, a chhuah tan kum 1986 atanga chhiarin kum 2011 kha kum 25-na, Silver Jubilee kum chu a ni.

A chhuah tan tirhah Copy 3,000 chhut a ni a, tunah (2013) hian Copy 38,700 tih chhuah niin Presbyterian Kohhran chanchinbu man nei tura chhuah zinga copy tam ber a ni. A chhuah tirh atangin tun thleng hian Editor 5 an awm tawh a, chungte chu : 1) Pi Malsawmi 2) Pi Zomuani 3) Pi Lalrinkimi 4) Ni. Vanlalsawmi 5) Pi Lafakmawii (Editor nilai) te an ni. Agape-ah hian thu hlawm hrang hrang Kristian Chhungkua, Sermon, Article, Testimony, Ei siam dan, Hruaitu thar te chanchin, Hriatzauna, Hriselna leh Rawngbawlina report-te tihlan thin a ni a. Mizoram, India ram state hrang hrang leh India ram pawn thlengin thawn chhuah a ni a, a thlawnin Missionary zawng zawngte thawn thin an ni bawk.

## □ Zin

♦ July 25 - 27 hian North East India Committee on Relief and Development (NEICORD) Board Meeting, Guwahati-a tel turin Dr. Robert S. Halliday, Superintendent, Synod Office a kal.

♦ July 25 - 27 hian Mizoram Chhim Bial huam chhunga Synod hnuaiia thawktute tan sum vawn dan (Account Training) neihpui turin Tv. Zaihmingthanga Fanai, Accountant leh Pu David Lalnunfela, Office Assistant te an kal.

## □ Kristian Thalai Pawl

♦ July 27 - 28 hian Madanrtng Bial Leadership Training neihpuiin CKTP hruaitu Pu Saizamliana Sailo leh Pu Lalmuanpuia Hrahsele te an kal ang a, Chaltlang Bial Zaipawl-in an tawiawm ang.

♦ **KTP Gen. Conference 2014/Diamond Jubilee** : July 23 (Thawhlejni) Khan CKTP committee an thukhawm a, KTP Gen. Conference 2014/Diamond Jubilee lawmna programme duansa an thliar nawn a, Speaker tur leh Zaipawl zai turte an thlang fel. Kum 2014 Gen. Conference hi February 27 - March 2 chhungin Khawzawl Field No. 1-ah nghah tura tihfel a ni tawh a, thupui atan "**Tho la, Eng rawh**" (Isaia 60:1) thlan fel a ni tawh bawk. Thupui hi thensawm leh a ni a, a sawitu tur hetiang hian ruat nghal a ni:

1) **Thim ata Engah** - Rev. H. Lalrimawia (Synod Secretary/CKTP Leader 2004-2006)

2) **Zoram, Tho la, Eng rawh** - Rev. Lalzuithanga (Executive Secy i/c KTP/ CKTP Leader 2006 -2007)

3) **Thalai, Tho la, Eng rawh** - Upa C. Ngurthantluanga (CKTP Asst. Leader 2000-2002)

Pathian Biak Inkhawm tum 6, Fellowship inkhawm tum 2, Variety programme tum 1, Jubilee Gospel Concert tum 1 awm tura ruahman a ni a. Hruaitu Thlan hun atan February 28 (Zirtawpni) zing dar 7:00 a ni ang a, chawhma dar 10 atangin Rorel Inkhawm neih a ni ang. Rorel Inkhawm hlanin pandal-ah Ramthar lam hawi programme hman a ni ang a, thusawitu atan Dr. Ramdinthara Sailo ruat a ni a, chawhnu dar 1:30 atangin Jubilee Zaikhawmpui a awm ang.

**Multiplex programme** hmun 4-a neih turin ruahman a ni a, thupui (theme) atan "**Thalaite Hmathlir**" tih hman a ni ang a, thupui hi sawi hona hun tha tak neih zui theih tura beisei a ni a, a sawi hawngtu tur hetiang hian ruat a ni:

1) **Thalaite Hmathlir - Zu leh Ruihhlo chungchangah**

- Upa Lalbiakzuala, Khatla East

2) **Thalaite Hmathlir - Hmasawna (Globalisation & Social Media)**

- Tv. V.L. Muanchhana (Asst. Secy., CKTP)

3) **Thalaite Hmathlir - Harsatna Hmachhawn**

- Pu David Zohmangaiha, Republic Veng

4) **Thalaite Hmathlir - Hlemhletna (corruption) chungchangah**

- Tv. Lalthlamuana Ralte, Tuikual

Zaipawl zai tur Bial hrang hrang atanga ruat bakah Jubilee Zaipawlpui neih theih beisei a ni a, Bial Zaipawl zawng zawngte infinkhawm Zaipawlpui tum 2 neih theih tura beisei a ni a, hla sak tura thlan chu "**Halleluiahs Chorus**" leh "**Khawiah pawh ni chhuahna apiangah**" tih a ni a, conductor atan Upa Lalthansiamia Tochwawng leh Pu C. Lalchamlia (Synod Choir Conductor) te ruat an ni. Diamond Jubilee lawmna pakhat atan February 22, 2014 (KTP

Contd...

Day)-ah Hruaitu Hluite pualin Synod Conference Centre-ah programme buatsaih a ni bawk ang. Programme hrang hrang chipchiar la duan chhoh mek a ni a, Sub Committee hrang hrang insiamin bawhzui mek zel a ni bawk.

☐ **MSSU**

- ◆ July 27 (Inrinni) hian Hliappui Bial huapin Hliappui Kohhranah Sunday School Zirtirtu Training neih a ni dawn a, training neihpui tur hian Tual Upa Lalthahluna Ralte, MSSU Asst. Coordinator; Upa C. Lalbiakmawia, Thuampui leh Tual Upa F. Lalenghluna, Ramhlun Vengthar (MSSU Trainer)-te an kal ang.
- ◆ July 27 (Inrinni) hian Republic Vengthlang Kohhranah Sunday School Zirtirtu Training neih a ni dawn a, training neihpui tur hian Pu P.C. Lalramliana, MSSU Office Assistant; Upa Hrilthansanga, Mission Vengthlang leh Pu Lalthanchhunga, Bungkawn (MSSU Trainers) te an kal ang. Zan Pathian biak inkhawmah Pu Lalthanchhungan Fanau enkawl chungchang thuchah a sawi ang.

☐ **Synod Bookroom**

- ◆ July 22 - 25 hian Vairengte leh Bilkhawthlir a Synod Bookroom Distributor Physical Checking nein Pu C. Vanlalthmuaka i/c Distributor chu a kal.
- ◆ July 23 - 25 hian Upa R. Lalmalsawma, General Manager (PRESCOM), Pu Lalniliana, Manager Synod Bookroom leh Pu Lalramenga Royte (JE) te chu Lawngtlai Synod Bookroom Building enin an kal a, Lunglei Synod Bookroom an rawn tlawh tel nghal bawk.
- ◆ Pu Lalniliana, Manager Synod Bookroom leh Tual Upa Lalzarmawia Sales Promoter te chu July 27 - 29 chung hian N.Vanlaiphai-ah Literature Campaign nei turin an kal ang.

☐ **Synod Literature & Publication Board**

July 26 - 28 hian Kawrthah Kohhranah Literature Seminar neih a ni dawn a, hemi neihpui tur hian Rev. K. Lalpiangthara, SL&PB Editor; Pu Zohmingliana, SL&PB Asst. Editor; Tv. K. Lalrammuana, SL&PB Office Assistant leh Ni. Zoremi, Soloist-te an kal ang.

☐ **Music**

Synod Office Annexe Building chu sak that tura ruahman a ni a, he building luahtu Synod School of Music chu July 30 (Thawhlehi) hian Synod Conference Centre, Top Floor-ah an insawn ang. Tonic & Staff, Keyboard leh Vocal class te chu Synod Conference Centre-ah neih thin a ni tawh ang.

☐ **Hruaina Eng FM Radio & TV Programme**

- ◆ **JULY 26 (FM Zoawi Aizawl @ 7:30 p.m.) :**  
**Male Voice :** ATC Male Voice - An pan zel e, Synod News tawi, **Zaipawl :** Kahrawt Bial Zaipawl - Kawngkhar Mawi, **Thusawi :** Tunlai khawvel a zirtirtu hna, **Solo :** Lalrinawma - Ni tlakna piah ah, **Zaipawl :** Khatla Bial Zaipawl - I thlir ang kalvari
- ◆ **JULY 26 (FM Lunglei @ 7:30 p.m.) :**  
**Male Voice :** ATC Male Voice - An pan zel e, Synod News tlangpui, **Zaipawl :** Kahrawt Bial Zaipawl - Kawngkhar Mawi, **Thusawi :** Rev.F. Lalrinnunga - Pathian chawimawina dawng tlak mite, **Solo :** Lalrinawma - Ni tlakna piah ah, **Zaipawl :** Khatla Bial Zaipawl - I thlir ang kalvari
- ◆ **JULY 28 (TV Programme @ 3:00 p.m.) :**  
**Zaipawl :** Chawnpui Pastor Bial Zaipawl - Ropuina, **Bihchianna :** Synod School of Music

☐ **Susamachar Prasaran Programme**

**JULY 28 (Pathianni) 5:00 pm. Hindi Gospel Programme (Susamachar Prasaran) :**  
**Group/Choir/Solo :** Dawrpui Vengthar Pastor Bial - Yeshu Masih, **Group/Choir/Solo :** Tuikual Pastor Bial - Prabhu Mere, **Sermon :** Zohmingthanga - Yeshu me chhama, **Group/Choir/Solo :** LH Hindi School - Yeshu MASIH, **Group/Choir/Solo :** Leitan South Masih Sangati Zaipawl

☐ **Moderator Programme**

Synod Moderator Rev. Lalramliana Pachuau chuan tunkar tawpah hetiang hian hun a hmang ang :  
 July 28 (Pathianni) Chawhma : Muthi Kohhran  
 July 28 (Pathianni) Chawhnu : Leitan Ramthar Kohhran  
 July 28 (Pathianni) Zan : Leitan Kohhran

**KAIHHRUAINA THAR**

Hnamdang zinga rawngbawlina Kaihhruaina Bu 2013 chu chhut zawh a ni a. A mamawh tan Synod Mission Board Office, Mission Veng leh Masih Sangati Kendra, Bawngkawn-ah lam theih a ni ta e.

**Secretary, Synod Mission Board**

**PATHIAN THU ZIR DUH TAN**

Presbyterian Bible School, Mission Veng, Aizawlah Session 29-na atan Certificate in Theology (C.Th) admission hawn a ni a. Dil duhte tan a hnuaia tarlan hi hriat tur a ni e :-

- ☞ Admission Form : Office hun chhungin Rs. 20 a lei theih a ni
- ☞ Dil hun chhung : August 26, 2013 (Thawhtanni) tlai dar 3:00 thleng
- ☞ Dil thei chin : Class VII passed, kum 16 chin, Kohhran dan chhunga awm
- ☞ Interview : August 29, 2013 (Ningani) zing dar 10:00
- ☞ Class tan hun : September 3, 2013 (Thawhlehi)
- ☞ Zir hun chhung : September – December, 2013
- ☞ Stipend : Zirlai pakhat hnenah thla tin Rs. 500 pek a ni ang. Hostel a awm lo

Hre chiang duh tan **Phone No. 8575308007/23174343/2350082**-ah zawh fiah theih a ni.

**Rev. R. Lalengmawia**  
Principal

